

UKA 2019/59: Cannabisoliat CBD-mik (cannabidiolimik) imallit aamma annerpaamik 0,2 % THC-mik (tetrahydrocannabinolimik) imallit unioqqutitsinertaqanngitsumik pisiarineqarsinnaangornissaannut nioqputigineqarsinnaangornissaannut kiisalu eqqunneqarsinnaangornissaannut Naalakkersuisut peqquneqarnissaannik Inatsisartut aalajangiiffigisassaattut siunnersuut.

pillugu

Inuussutissarsiornermut Aatsitassanullu Ataatsimiititaliap

siunnersuutip aappassaaneerpeqarneranut

ISUMALIUTISSIISSUTAA

Inuussutissarsiornermut Aatsitassanullu Ataatsimiititaliap suliarinninnermini inuttarai:

Inatsisartunut ilaasortaq Henrik Fleischer, Siumut, Siulittaasoq
Inatsisartunut ilaasortaq Múte B. Egede, Inuit Ataqtigiit, Siulittaasup tullia
Inatsisartunut ilaasortaq Aqqalu Jeremiassen, Atassut
Inatsisartunut ilaasortaq Hermann Berthelsen, Siumut
Inatsisartunut ilaasortaq Steen Lyngé, Demokraatit
Inatsisartunut ilaasortaq Peter Olsen, Inuit Ataqtigiit
Inatsisartunut ilaasortaq Tillie Martinussen, Suleqatigiissitsisut

1. Inatsisissatut siunnersuut tunuliaqutaalu pillugit

Cannabisolianik CBD-mik akoqartunik (cannabidiol), THC-millu (tetrahydrocannabinol) annerpaamik 0,2%-imik akoqartunik pisisinnaanermik, tuniniaasinnaanermik eqqussisinnaanermillu inerteqqutaajunnaartitsinissamik Naalakkersuisut siunnersuutikkut peqquneqarput.

Cannabisolie hampip naasuanit piarlugu pissarsiarineqartarpoq CBD-millu, katsorsaataasinnaasunik iluaqutaasunillu arlalinnik sunniuteqarnera ilimagineqartumik akoqarluni.

CBD ilaatigut marniliuunnernik, aseruuttoornerit ilaannik, merianngunermik, annilaannganermik, nikallunganermik, tarnikkut nappaatinik, anniaatit anigorneqarsinnaanngitsut ilaannik, puigortunngornermik, sajuttunngornermik cancerimullu katsorsaanneri sunniuteqarluarsinnaasoq misissuinerit paasinarsisippaat.

WHO malillugu CBD pinngitsuuisinnaajunnaarnermik nassataqartumik sunniuteqarnek ajorpoq.

Cannabis kiisalu tunisassiat suulluunniit hampip naasortaanit piiarlugit pissarsiarineqarsimasut nunami maani inerteqqutaapput¹. Tamanna aamma tunisassianut ikiaroorartumik THC-mik sinneruttumik annikitsuararsuamik sunniuteqanngilluinnartumik imaqartunut atuuppoq.

Taamaammat nunami maani cannabisoliamik tunisineq, pisineq eqqussinerluunniit inerteqqutaavoq, tamanna naak niuerfinni cannabisoliat assigiinngitsut arlallit pissutsit piviusut malillugit aanngajaartitsillutik sunniuteqarsinnaanngilluinnaraluartut pinngitsuuisinnaajunnaarnermillu nassataqarnek ajoraluartut.

Danmarkimili cannabisolie annerpaamik 0,2%-imik THC-talik pinngortitamit nakorsaatitut imaluunniit nerisanut tapiliussassatut inatsisinik unioqqutitsiviunngitsumik tuniniarneqarsinnaavoq.

Siunnersuut manna cannabisoliat annerpaamik 0,2%-imik THC-tallit inatsisigut unioqqutitsisuujunnaarnissaannut taamaallaat tunngassuteqarpoq.

Inatsisartulliuna ataatsimiinneranni matumani siunnersuummik allamik, cannabisoliamik tunisassiat annerpaamik 0,2%-imik THC-tallit suulluunniit inatsisitigut unioqqutitsisuujunnaarnissaannut tunngasumik suliaqartoqartoq Inuussutissarsiornermut aatsitassanullu Ataatsimiititaliap maluginiaraa (UKA2019/128). Siunnersuutittaaq taassuma akuersissutigineqarnissaa Naalakkersuisunit inassutigineqarpoq. Taanna akuersissutigineqarpat cannabisimik tunisassianik nakorsaatissianik nerisanullu tapiliutissanik niueruteqarsinnaaneq kisimi ammaanqarani aammattaarli soorlu nerisassianik pinnerasaasianillu arlalinnik hampip naasortaanit piiakkamik imaluunniit naatitap hampip ilaanik imaqartunik niueruteqartoqarsinnaalissaaq.

Aanngajaarniutit pillugit inatsisit Kalaallit Nunaannit akisussaaffigineqarput, Namminersornerullutillu Oqartussat peqqinnissaqarfimmut akisussaaffimmik 1992-imi

¹ Tamatumanili hampip naatitassartai (kingunissai) kiisalu hampip ipiutaasartai, allunaasiornermi atorneqartartut ilaatinneqanngillat.

tigusinerannit taamaassimalluni. Allatut oqaatigalugu Kalaallit Nunaat nammineerluni suliaasaqarfimmi inatsisiliornissamut piginnaatitaaffeqarpoq. Inatsisiliorsinnaatitaanerli maannamut sulii atorineqarsimangilaq, taamaalilluni akisussaaffimmik tigusineq sioqqullugu danskit² malittarisassarisaasa sulii atuunnerat tamatuma nassataraa.

Taamaalilluni siunnersuummik atuutilersitsineq aanngajaarniutit pillugit Inatsisartut inatsisissaannik kiisalu taanna tunngavigalugu nalunaarummik suliaqartoqarnissaanik piumasaaqatitaqassaaq.

Inatsisartut Inatsisartut inatsisaatigut naalakkersuisunut tamatumunnga tunngavissiitinnagit Naalakkersuisut nalunaarummik aanngajaarniutit pillugit nalunaarummut atuuttumut taarsiisussamik atuutilersitsisinnaangillat.

2. Inuussutissarsiornermut Aatsitassanullu Ataatsimiititaliap oqaaseqaatai inassuteqaataalu

Naalakkersuisut akisuteqaamminni siunnersuutip akuersissutigineqarnissaa inassutigisimagaat ataatsimiititaliamit paasineqarpoq, tassami inatsimmik nutaamik THC-mik akoqassutsumik 0,2%-imut killiliinissamik ajornarunnaarsitsisumik suliaqarlutik Naalakkersuisut aallartitsereersimammata.

Tamatuma saniatigut ataatsimiititaliap paasivaa siullermeerinninnermi siunnersuummut tapersiilluortoqartoq.

Tamanna tunngavigalugu siunnersuutip akuersissutigineqarnissaa ataatsimiititaliamit isumaqatigiittumit inassutigineqarpoq.

Ataatsimiititaliap taama oqaaseqaateqarluni siunnersuut aappassaaniigassanngortippaa.

² Aanngajaarniutit pillugit nalunaarut nr. 559, 9. november 1984-imeersoq, nalunaarutikkut nr. 53, 13. februar 1986-imeersukkut, nalunaarutikkut nr. 18, 5. januar 1989-imeersukkut kiisalu nalunaarutikkut nr. 567, 21. august 1989-imeersukkut allannngortinneqartoq.



Henrik Fleischer
Siulittaasoq
Siumut




Múte B. Egede
Inuit Ataatigiit




Aqqalu Jerimiassen
Atassut




Hermann Berthelsen
Siumut



Steen Lyng
Demokraatit



Peter Olsen
Inuit Ataatigiit



Tillie Martinussen
Suleqatigiissitsisut